

a Christo D. in Evangelio præscriptam legerint, Matthæi ultimo; Docete omnes gentes baptizantes eos in nomine Patris, & Filii, & Spiritus S. eandem tamen ipsi fœdissime vitarint, & corruerint.

Nequissimos Sacrorum illorum verborum interpolatores inveniunt in priorum Sæculorum historia, Gnosticos, Cataphrigas, Paulianistas, Arianos, & Eunomianos; qui cum de SS. Trinitatis Mystero prave sentirent, erroresque suos cæteris instillare molirentur, baptismum interpolata vitiaque Trinitatis invocatione conferebant. Qua de causa, homines ita baptizatos, si forte ad Ecclesiam venirent, denuo baptizandos sanxere, Concilium Nicænum I. *Can. 19.* Laodicænum *Can. 8.* Arelatense pariter *Can. 8.* Sardicæ, Constantinopolitanum I. Ephæsinum, (a) tria Charragiensia, ut cætera missa faciam. Hujus generis erat illa Arianorum baptizandi spuria formula, *Ego te baptizo in nomine Patris majoris, & Filii minoris, & Spiritus S.*, cuius meminit S. Athanasius *Ser. 3. adversus Arianos*, (a) Haud paulo deterior erat altera baptismatis forma, *Ego te baptizo in nomine Patris, per Filium, in Spiritu S.* quam iratum de Cælo numen insigni portento reprobat, referente Theodoro Lectore *lib. 2. Hist.*, & Nicephoro Callixto *lib. 13. Histor. Cap. 35.* Cum enim Deuterius quidam Arianus Episcopus sub ea verborum forma quempiam nomine Barbam baptizare aggressus esset, aqua piscinæ, in qua faciendæ erat immeritio, de repente evanuit.

Horum interpolatorum impietati obsecundare videntur Lutheranae & Calvinianæ sectæ Professores: qui licet plenam & integram SS. Trinitatis invocationem in baptismatis collatione adhibere soleant; multa tamen de ea fabulantur plena erroris, & impietatis. Luthæus *lib. de Captiv. Babilon. Cap. de baptismo*, baptismum ratum ait, quibusvis tandem verbis conferatur, modo non detur in nomine hominis; sed in nomine Domini. Quin etiam ratum fore contendit, si eum minister in nomine Domini minime conferret, modo cum in nomine Domini baptizandus acciperet.

Zuinglius *lib. de vera, & falsa Religione (b)* nullam certam baptismatis formam præfixam esse contendit. Hinc Joannes Ekius *Homil. 10. de Baptismo*, nonnullos e Zuinglii Schola esse monet baptizare solitos, non in nomine, sed in nominibus Patris, & Filii, & Spiritus Sancti. Quam quidem baptismatis formam, Arianam hæresim sapere, laudandum tradiderunt D. Ambrosius *lib. 2. de Sacramentis Cap. 7.* & S. Hieronymus in *Cap. 4. ad Ephesios (c)*. Nec immerito: Nomen quippe auctoritatem ac potestatem eo loci significat; uti etiam Marci ultimo; in nomine meo Demonia efficiunt. Joannis 5. *Ego veni in nomine Patris mei: in Patris ergo & Filii & Spiritus S. nominibus baptizare, distinctam Patris, & Filii, & Spiritus S. potestatem profiteri est: quod certe Arianam hæresim sapit.*

Audacior cæteris omnibus Joannes Brentius in *Catechismo Cap. de Baptismo*, ratum Sacramentum pure pronunciat, si minister, missa Trinitatis invocatione, post recitatum a Catechumeno Symbolum fidel, ita diceret, *Ego te baptizo in hanc recitatam fidei professionem.* Ita viri ab Ecclesia segreges de forma baptismatis audaces ariolantur.

Paulo mitius ac religiosius veteres nonnulli stantuerunt, intra Ecclesiam Catholicam: qui licet ea invocationis SS. Trinitatis verba, interpolare, corrumpere, violare nefas dixerint, compendio

tamen dici posse existimant: ratumque baptismum sunt opinati, quod his verbis simpliciter conferretur. *Ego te baptizo in nomine SS. Trinitatis*, nulla distincte appellata persona; Quod certe baptismum num ratum validumque foret, definire omnino non asum; Alii de Ecclesia Catholica viri, alio compendio uti aliquantulum subtiliori, validum baptismum fore censuerunt, quod in unius duntaxat divinæ personæ nomine conferretur, maxime vero Secundæ, hoc est, Christi D. cæteris personis non negatis quidem, sed silentio missis; ea nimirum ratione ducti, quod una persona pronunciata, cæteræ compendio velut intelligantur, quarum est una eademque natura. Imo non desunt Theologi de Schola, qui Apostolos in unius Christi nomine baptizasse sibi persuaserint, ex iis actu Apostolorum verbis toties ingeminatis, de primis fidelibus, baptizati tantum erant in nomine Domini Jesu, *Capp. 2. 8. 10.*, & 19.

Nobis longe videtur aliter: Nec illa solum hæreticorum, de quibus paulo antea dicebamus, commenta seu blasphemias execramur; sed hanc ipsam Catholicorum illorum Theologorum opinionem improbamus: Nullumque omnino baptismum esse dicimus, qui absque expressa atque distincta trium personarum invocatione conferretur. Ita plane Sacre Litteræ, ita Patrum immota & imperturbata Judicia, cui non stare nefas est.

Explicatissima in primis Evangelii verba sunt, *Matthæi ultimo, Docete omnes gentes, baptizantes eos in nomine Patris, & Filii, & Spiritus S.* Quæ ita a veneranda majorum traditione excepta sunt, ut si alterutra divinarum personarum silentio mitteretur, irritum fieret, & inutile Sacramentum.

Prodit primus in ordine D. Cyprianus *Epist. 73. ad Jubanum (d)* ubi Petri Apostoli verba recolens *Actorum 2. Baptizate uniusquisque vestrum in nomine Domini Jesu Christi*: quibus nonnulli perperam abutuntur, ut baptismum in solius Christi nomine collatum, validum dicent, ita commentatur SS. Doctor, *Jesu Christi mentionem fecit Petrus, non quasi Pater omittitur, sed ut Patri quoque Filio adungeretur. Ubi enim post resurrectionem Apostoli ad gentes mittuntur a Domino, in nomine Patris, & Filii, & Spiritus S. gentes baptizare jubentur: quomodo ergo quidam dicunt foris extra Ecclesiam, imo & contra Ecclesiam, modo in nomine Jesu Christi, ubicumque & quomodocumque gentilem baptizatum, remissionem peccatorum consequi posse; quando ipse Christus gentes baptizari jubet in plena & adunata Trinitate? Quo nihil explicatius desiderari a quoquam potest. Imo si D. Cyprianus verba recte pensemus, atque intimius expendamus, comperiemus, Doctorem SS. contrariam opinionem velut erroneam rejicisse: quandoquidem eam, & extra Ecclesiam & contra Ecclesiam excogitatum esse contendit.*

Suffragatur S. Basiliiu cognomento Magnus *lib. de Spiritu S. Cap. 12. (e)* ubi nonnulla Apostoli loca ad crism revocans, quibus solius Christi meminit, dum de baptismum collato sermonem habet, neminem vero, inquit, in fraudem inducat illud Apostoli, quod nomen Patris, & Spiritus S. in baptismatis commemoratione frequenter omittit: neque ideo putet harum vocum usum esse indifferentem. Imo si in baptismum separare Spiritum S. a Patre, & Filio periculum est baptizandi, ita baptismum accipienti, inutile est. Nullum itaque baptismum existimat D. Basilii sine distincta personarum expressione collatum; ipsique suscipienti prorsus inutile esse contendit.

DISPUTATIO II. PRÆLECTIO III. 381

Theologorum quorundam momenta convelluntur, qui Baptisma in unius duntaxat divinæ Personæ nomine collatum, ratum ac validum esse contendunt.

Cum Theologis nonnullis primæ notæ, seu præcis seu recentibus lis nobis est hodie, qui baptismum ratum ac validum arbitrantur, quamquam in unius duntaxat divinæ personæ nomine conferatur; maxime Christi D., cuius unius appellatione cæteras quoque personas virtute veluti contineri arbitrantur. Qui enim Christum dicit, inquit illi, & Filium dicit, qui unctus est, & Patrem a quo unctus est, & Spiritum Sanctum quo unctus est. Horum itaque Theologorum momenta in præsentia diluamus: quod ut spero ita feliciter fiet, ut nemo non intelligat facile; quam levis subtilibusque rationibus additaatur.

Apostolorum in primis exemplo fe muniant, quos in unius Christi nomine baptizasse colligunt, ex actibus Apostolicis *Cap. 2.* ubi Petrus Judæos alloquens, *penitentiam*, inquit, *agite, & baptizetur unusquisque vestrum in nomine Jesu Christi.* Tum *Cap. 8.* ubi de Samaritanis notatum est, *Spiritus Sanctus nondum in quemquam illorum venerat, sed baptizati tantum erant in nomine Jesu:* Tum *Cap. 19. Jussit eos baptizari in nomine Domini Jesu Christi.* Hincque ratum fore baptismum colligunt, quod cæteris Personis silentio missis, in unius Christi nomine conferretur.

Consecutionem hanc negare mihi fas fuerit, tametsi in unius Christi nomine, Apostolos baptizasse fateamur. Neque enim quod ab eis specialiter revelatione, Deoque singulariter dispensante factum esset, in exemplum trahi posset, ut contra sanctæ legis dispositionem, secutus temporibus fieret: generalis quippe lex Matthæi ultimo lata est: *Docete omnes gentes baptizantes eos in nomine Patris & Filii & Spiritus S.*

Sed & hoc insuper distinemus omnino, Apostolos in unius Jesu Christi nomine, publica fidei professione debet esse Mysterium Trinitatis; Talis autem esse non potest, nisi tres personæ expresse distincteque nominentur, nec sufficit si compendio tantum sint nominatæ.

Erit tamen qui contra hanc ipsam rationem a D. Thoma datam opponat: Non explicatio, & accuratio fidei professio desideratur in Ministro, quam in baptizando adulto: At in adulto baptizando satis est fidei professio, compendio facta; si nempe adultus profiteatur se credere in Jesum Christum Filium Dei: Itaque pariter non desideratur in Ministro, nisi ut baptizet in nomine Jesu Christi Filii Dei. Hoc probatur exemplo Eunuchi Regine Candacis *Actorum 8. Credo Jesum Christum esse Filium Dei.*

At Disparitas longe maxima est: qui enim baptizatur, in recipiendo baptismate, non est nisi persona privata: qui vero baptizat est persona publica; fideique professionem edit nomine Ecclesie in prolatione verborum, quæ non suo, sed totius Ecclesie nomine profert. Quare professio fidei compendio ab eo fieri non debet, sed plena, & integræ.

Certe Apostolos cum trium divinarum Personarum invocatione baptismum contulisse; oppositumque ex iis Scripturæ locis, extundi non posse; profertur Ecclesie Patres, in superiori Prælectione laudati, digni Scripturarum Interpretes, Cyprianus, Basiliius, Augustinus, Facundus Hermianensis: quorum hæc una vox est; *In nomine Christi Apostolos baptizasse, non quasi Pater omittitur, sed ut Patri quoque Filio adungeretur.* Hoc idem ex ipsis Apostolorum actibus non obscure colligitur *Cap. 19.* Si modo atrente ponderetur. Cum enim Apostolus quosdam Ephesios interrogasset, *Si Spiritum S. accepissent credentes*, responderunt illi, *neque si Spiritus S. est audimus:* Ad quæ Paulus contestim reposuit, *in quo ergo baptizati estis?* qui dixerunt, *in Joannis baptismate:* quare illos Christi baptismate baptizari iussit. Porro, inquit ego, Ephesios respondentes,

(a) *Vide Tournellii pag. 36. 37. 38. Venetæ Edit. 1589.*
 (b) *V. de Tournellii de Bapt. pag. 61. Edit. Venetæ 1589.*
 (c) *Apud Tournellii Tom. 2. pag. 59. Edit. Venetæ 1589.*
 (d) *Apud Tournellii pag. 126. Edit. Venetæ 1589.*
 (e) *Vide Tournellii pag. 40. Edit. Venetæ 1589.*

rescriptum ejus, quo acta rescidit, temporum injuria perierit. Constat insuper Firmiliani aliorumque orientalium Legatos, qui Synodorum acta Romam detulerant, durius illic exceptos esse, iisdem negatum hospitium, negatum osculum. Id quippe Firmilianus ipse professus est Epistola inter Cyprianicas 75. dubium tamen est, num orientales, ipsumque S. Cyprianum cum Coepiscopis excommunicavit Summus Pontifex.

Acceptis Stephanii Summi Pontificis Epistolis, quibus Synodorum Carthaginensium Acta in irritum mittebat, & Hæreticorum baptisma ritu Ecclesiastico ministratum validum assererat, pristinam sententiam non deposuit S. Cyprianus, nec cessit auctoritati Pontificiæ, quam ratione destitutam existimabat. Quæ de re ad Pompejum Epistolam direxit paulo duriorum, qua Rom. Pontificem durius exagavit, uti in errorem prolapsus, & Hæreticorum causa patrocinantem; Quin etiam decretum ejus perperam accipiens, & in absonum sensum detorqueus, eidem vitio vertit, quod omnium plane hæreticorum baptisma raturum ac validum statuisse, tametsi verbis Evangelicis collatum non esset. Vix dici queat quantum in Pontificem exarserit Cyprianus; erat enim animo acer, propositi tenax, secti ac mollescere nefcius, in ea maxime sententia propugnanda, quam Synodorum auctoritate communitam noverat: cæterum num tandem sub vitæ finem suum ipse castigavit errorem publico aliquo documento, dubium est. Id pie opinatus est Augustinus *Epist.* 48. non tamen constanter asseruit. *Correxisset Cyprianum istam sententiam non invenitur: non incongruenter tamen de tali viro existimandum est, quod correxerit, & forte suppressum sit ab eis, qui hoc errore nimium delicti sunt, (videlicet Donatistis) & tanto veluti patrocinio carete noluerunt.* Episcopos alios Cypriani collegas, palinodiam tandem aliquando decantasse, monet S. Hieronymus in *Dialogo contra Lucifer.* Cap. 8. *Illi ipsi Episcopi, inquit ille, qui rebaptizandos hæreticos cum eo statuerant, ad antiquam consuetudinem revoluti, novum emisere Decretum. (a) At quid ipse Cyprianus tandem egerit, ne verbulo quidem innotuit.*

Ut ut esset, tametsi eo in capite graviter Cyprianus errarit, ejus nihilominus culpam multiplices ratione minuit S. Augustinus, in libris contra Donatistas elaboratis. Primo; Quia ira effectus erat animo, ut oppositæ consuetudini cederet, secundum quam raturus in Ecclesia Romana habebatur hæreticorum baptisma, modo Concilii (Ecumenici auctoritate confirmata esset, & graviori rationum pondere vindicata. Secundo; Quia absque dispendio unitatis, & pacis Ecclesiasticæ, suam de rebaptizandis hæreticis sententiam propugnabat. Tertio; Quia questionem hanc disciplinæ duntaxat esse opinabatur, nequaquam tamen ad fidei capita pertinere. Quarto; Quia nexus ille in candore sanctæ Animæ, Charitatis uberibus tegebatur, ac tandem Martyrii salce penitus amputatus est: Porro quo tempore Orientales cum Firmiliano ab errore, qui eis cum Cypriano communis erat, respicerent, contraverterunt.

Post Cyprianum ad superos vocatum, fataque ultima ab iis Africanis Episcopis perfoluta, imo post errorem in Conciliis Ecumenicis proscriptum, eundem illum instaurarunt auxeruntque Donatistæ. Enim vero Cyprianus, & qui cum illo sentiebant, eos ceu hæreticos non habebant, qui hæreticorum baptisma raturum habebant; Donatistæ e contra, quotquot hæreticorum baptisma

(a) Apud Tournellii de Sacram. in genere Edit. Venetæ.

PRÆLECTIO VI.

Hæreticos Sacramentum Baptismatis valide posse ministrare; nec Insidiantem Ministri valori Baptismatis officio, probatur atque defenditur.

Et illa, quæ me de fide in baptisimi Ministro minime necessaria disputantem plurimum moveret Tertulliani digna Sententia *Venerit nihil prescribere potest; non spatia temporum, non patrocinia personarum, non intervalla locorum.* Si quis enim error, aut vetustate temporum stabilis, aut illustrum defensorum patrocinio tegi, aut locorum diffusionem confirmari potest; is ille profecto esset, qui de fide in baptisimi Ministro necessaria, tertio Christiani nominis Seculo fuscitatus est, a SS. Præsulibus Africanis, variisque Synodis confirmatus, ac toto pene Oriente diffusus.

Fidem enim vero in baptisimi Ministro omnino esse necessariam, atque ita baptismum ab Hæreticis collatum nullum esse; hominesque ab iis lustratos, denuo tingi oportere, defendit omnium primus Agrippinus Episcopus Carthaginensis, totiusque Africa Primas, habitoque provinciarum Concilio confirmavit anno 213. Agrippinum in eodem errore tuendo secuti sunt S. Firmilianus Cæsareæ in Cappadocia Episcopus, & S. Dionysius Alexandrinus, habitisque pariter Synodis, Æoniensis nimirum & Syndensis comprobantur. At nemo omnium errorem illum tenacius ardentiusque defendit S. Cyprianus, laudati Agrippini in Sede Carthaginensi successor: qui quatuor numerosas Carthagine Synodos habuit, ut eundem errorem Coepiscoporum suffragiis, & auctoritate communitur: primam quidem Episcoporum 50. alteram Episcoporum 71. tertiam Episcoporum 73. quartam Episcoporum 87.

Harum omnium Synodorum acta in irritum misit Stephanus I. Rom. Pont. erroremque totillarum decretis Canonibusque firmatum proferenda damnavitque jure Primatus, quem in Universita Ecclesia Catholica obtinebat. Nos pro officii ratione, ac pro oppingerata jam fide, Catholicam veritatem, hæcæ presentis exercitatione vindicandam aggredimur, quæ de tot magni nominis hostibus triumphavit. Hoc igitur erit presentis exercitationis argumentum: Hæretici Sacramentum baptismatis possunt valide ministrare: Insidiantes Ministri non officii valori baptismatis, modo alias cum forma debita ministraret: atque adeo qui sunt ab Hæreticis baptizati, si ad Ecclesiam Catholicam venerint, non sunt denuo baptizandi; sed per manuum impositionem reconciliandi.

Ita plane vetus Ecclesia Romane traditio ferebat, cujus se propugnatores ac vindicem præbuit, & Africanis opposuit Stephanus I. ita decernens, in celebri illo Pontificio Rescripto, quod fuscitatam ætate sua controversiam diremit: *Si quis a quacunque heresi venerit ad vos rite, ac debite baptizatus, nihil innovetur, nisi quod traditum est, ut manus illi tantum imponantur ad Penitentiam.* Nihil scilicet ultra reconciliatorium manuum impositionem, hæreticis ad Ecclesiam redeuntibus ficitari solitum erat, ob id unum quod fuscipsum in ipsa quoque heresi baptismi, raturum ac validum haberetur: procul hinc nova baptismatis initiatio. Lati decreti fidem faciunt, S. Cyprianus ipse *Epist.* 74. Eusebius *lib.* 7. *Hist. Eccl.* Cap. 2. S. Augustinus passim in libris contra Donatistas; & alii quotquot eo de argumento scripsere primis Ecclesie Sæculis.

Stephani I. Judicium secuti Pontifices confirmant, Siricius, *Epistola ad Hymetium Taracorsy* Tom. IV.

nensem Episcopum, Innocentius I. *Epist.* 2. ad *Vetricium Rothomagensis Episcopum* Cap. 8. Leo Magnus *Epist.* 77. ad *Nicetam*, Anastasius II. in *Epistola ad Anastasium Imperatorem*, quorum testimonia minutatim recensere otiosum esset hominis, utpote quæ apud Polemistas nostros singulis profert.

Suffragata sunt Oecumenica Concilia, totius orbis veneratione consecrata, & præcipue Nicænum primum, cujus auctoritatem toties Donatistis, Africanorum errorem recedentibus opposuit, Augustinus. Enim vero *Canone* 8. Novatianos, quos Catharos seu Mundos vocitabant, ad Ecclesiam redeuntes, nequaquam iterato baptismate; sed cum sola manuum impositione recipi jubet *Sacra Synodus: Canone* vero 19. Paulianistas si forte redierint, denuo lustrari præcipit: quod illi nimirum Novatiani baptismi ritu Ecclesiastico ministrarent; illi videlicet Paulianistæ, non item. Prioris Canonis verba sunt: *de his qui se nominant Catharos id est Mundos, si aliquando venerint ad Ecclesiam Catholicam, placuit Sancto & Magnæ Concilio, ut impositionem manus accipientes sic in Clero permanent. Canon* alter his verbis expressus est: *De Paulianistis ad Ecclesiam Catholicam confugientibus, definitio probata est, ut baptizentur omnimodis.* Ex quibus geminis Canonibus mutuo collatis, generalis regula deducitur: Illorum nempe Hæreticorum baptismata raturum esse, atque ita minime iterandum, qui illud Canonico ritu conferret; quale profecto Novatianorum baptismata fuit; Cæterorum vero debitam formam minime servantium, uti Paulianistarum, irritum esse.

Clarius vero Concilium Arelatense I. *Can.* 8. *De Afris, qui propria lege ununtur ut rebaptizent, placuit ut si ad Ecclesiam aliquis de heresi venerit, interrogent eum Symbolum: Et si præviderint eum in Patre, & Filio, & Spiritu Sancto esse baptizatum manus ei tantum imponantur, ut accipiat Spiritum Sanctum.* Quod si interrogatus non responderit hanc Trinitatem, baptizetur. Ut hinc videas Hæreticos illos, qui baptismum verbis Evangelicis a suis Symitistis accepissent, nequaquam esse baptizandos, sed per manuum impositionem reconciliandam in Ecclesia recipiendos.

Immensus sim, si Patrum idem statuentium suffragia congeram: ex quo enim veritas hæc in rem ab Oecumenicis Conciliis definitam abiit, nemo illorum unus fuit, qui ubi se dedit occasio, in eam Sententiam velis remisque non venerit. Nonnullos indigitabo qui per otium legi possint. S. Augustinum, qui dogma Catholicum ex instituto defendit, libris septem adversus Donatistas elaboratis; S. Hieronymum, qui hoc idem contra Luciferianos speciali dialogo propugnavit: Optatum Milevitanum *libro* 5. *contra Parmenianum*; Gregorium Nazianzenum *Oratione de baptismo*, & Cyrillum Hierosolymitanum in *Catechesibus*.

Momenta vero, quibus SS. Patres Catholicum dogma vindicarunt, ista erant; alta mente designanda. I. Ex prælaudata Ecclesie R. traditione percibatur. Nunquam enim Ecclesia R. hæreticos rebaptizare solita fuerat; eo solo nomine quod fuissent ab Hæreticis baptizati; Ea vero Traditio licet annorum duntaxat esset ducentorum & quinquaginta; (Si quidem tot a Christo D. anni duntaxat existerent) tantum tamen roboris & auctoritatis obtinuit, ut ob hanc unam S. Cypriani, & Africanorum Præsulum causâ, nationalibus licet Conciliis confirmata, attonsa sit. *Consuetudinis robore, inquit, S. Augustinus lib.* 2. *de Baptis.* Cap. 9. *teneatur orbis terrarum; Et hæc sola opponatur, inducere volentibus nostram.*

